

RANCANGAN PENGAJARAN

OBJEKTIF PEMBELAJARAN:

Kanak-kanak akan mempelajari konsep teknologi khususnya tentang kenderaan dan bagaimana ia mempengaruhi kehidupan manusia.

PENGENALAN (5 MIN):

Bincangkan perbezaan jenis-jenis kenderaan dan penggunaannya. Misalnya, kanak-kanak ke sekolah menaiki bas, van, MRT dan sebagainya. Manakala, untuk melancong ke luar negara, kita menaiki kapal terbang, kereta api atau kapal persiaran.

ARAHAN (5-10 MIN):

1. Baca buku *Misteri di Pasar Terapung* dan *Kring! Kring!*
2. Semasa membaca, berhenti seketika di beberapa bahagian untuk menanyakan soalan mengenai kandungan cerita yang dikongsikan. Contohnya:
 - Apakah jenis kenderaan yang sering kita lihat di jalan raya?
 - Apakah kenderaan yang digunakan oleh pedagang di pasar terapung?
3. Lakukan aktiviti-aktiviti yang berkaitan dengan buku yang dibaca seperti yang disarankan di bawah ini.
4. Nyanyikan lagu-lagu yang bertemakan kenderaan.



PANDUAN MELAKUKAN AKTIVITI (30-40 MIN):

AKTIVITI UNTUK: Vroom Vroom, Zoom Zoom!

1. Berikan kepada kanak-kanak pelbagai gambar kenderaan (darat, air dan udara).
2. Galakkan kanak-kanak berbincang tentang gambar kenderaan secara bergilir-gilir.
3. Setelah selesai, lakukan aktiviti kumpulan bersama mereka.
4. Guru akan menyebutkan jenis kenderaan yang berbeza-beza.
5. Kanak-kanak yang memegang gambar kenderaan yang tergolong dalam jenis itu akan maju ke hadapan dan menyebut nama kenderaan tersebut.
6. Teruskan aktiviti ini untuk kategori yang lain seperti kenderaan beroda, kenderaan bersayap dan sebagainya.

PENUTUP (10 MIN):

Setelah melakukan aktiviti yang disarankan, nyanyikan lagu **Kenderaan** sebagai aktiviti penutup.

Lagu Kenderaan

(irama: Oh, My Darling, Clementine!)

Kapal terbang, kereta api
Kereta, bas dan lori
Ambulans dan motosikal
Van, beca dan basikal!

Kapal layar, kapal persiaran
Kayak, bot laju dan sampan
Helikopter, jet dan roket
Pelbagai kenderaan!

